



ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ
ՄԱՅՐՈՒԹՅԱՆ ՀԻՄՆԱԴՐԱՄԻ ՆԱԽԱԳԱՀՈՒԹՅԱՆ
ՇՆՈՐՀԱՎՈՐԱԿԱՆ ՀԵՌԱԳԻՐԸ ՆՈՐԻՆ ՍՈՒՐԲ
ՕԾՈՒԹՅՈՒՆ Տ. Տ. ՎԱԶԳԵՆ Ա ԱՄԵՆԱՅՆ ՀԱՅՈՑ
ԿԱԹՈՂԻԿՈՍԻ ԾՆՆԴՅԱՆ 85-ԱՄՅԱԿԻ ԱՌԻԹՈՎ

ՆՈՐԻՆ ՍՈՒՐԲ ՕԾՈՒԹՅՈՒՆ ԱՄԵՆԱՅՆ ՀԱՅՈՑ ԿԱԹՈՂԻԿՈՍԻՆ՝
Տ. Տ. ՎԱԶԳԵՆ ԱՌԱՋԻՆԻՆ

Մայր Աթոռ Սուրբ Էջմիածին

Վեհափառ Տեր,

Ձեր աղոթքները, Ձեր անմնացորդ նվիրումը արցախյան ազատագրա-
կան պայքարին, Ձեր բարոյական և նյութական օգնությունը շոշափելի է
ամեն մի արցախցու համար: Ձեր աջակցությունը սխրագործություն է: ԼՂՀ
Մայրության Հիմնադրամի Նախագահության որոշմամբ, Ձեր ծննդյան 85-
ամյակի առիթով, Դուք պարգևատրվել եք «Մայրական Երախտագիտություն
Արցախի Քաջորդիներին» մեդալով, որին արժանացել են մեր ժողովրդի
վաճակներից առավել արժանավորները՝ Արթուր Մկրտչյանը, Յվետանա
Պասկալյովան, Մոնթե Մելքոնյանը, Քերոլայն Քոքսը, Աշոտ Բեկորը և ու-
րիշներ: ԼՂՀ Մայրության Հիմնադրամի Նախագահությունը Արցախի մայրերի
անունից շնորհավորում է Ձեզ այս պարգևի առթիվ, համբուրում Ձեր Սուրբ
Աջը, ցանկանում դարաբաղյան երկարակեցություն, քաջաոռոշություն: Թող
Ձեր հոգատար Հայրական սիրտը երկար ու երկար բաբախի համայն հայու-
թյան բարօրության համար: Թող Ձեր Սուրբ Աջը անպակաս լինի համայն
հայության, ինչպես և արցախահայության գլխից: Համոզված ենք, որ այսու-
հետ նույնպես Ձեր աղոթքներում կհիշեք Արցախի որդեկորույս մայրերին,
որոնք բազում դարեր ի վեր մեր սուրբ հողի ազատագրման համար երկնել
ու ծնել են քաջորդիներ հանուն հայրենյաց:

Աստված օգնական, Վեհափառ Տեր:

Հարգանք՝

ՀԻՄՆԱԴՐԱՄԻ ՆԱԽԱԳԱՀ՝

Հ. ՄԻՔԱՅԵԼՅԱՆ